

Royal Greenland A/S-imi

Reg.nr. A/S CVR-nr. 13645183

M A L I T T A R I S A S S A T

§ 1

- 1.1. Ingerlatseqatigiiffik Royal Greenland A/S-imik ateqarpoq.
- 1.2. Ingerlatseqatigiiffik Kommuneqarfik Sermersuumi najugaqarfearpoq.

§ 2

- 2.1. Suliffeqarfimmut kiisalu suliffeqarfimmut aningaasaliisumut matumani allassimasunut atatillugu siulersuisut nalilersuinerat naapertorlugit ingerlatseqatigiiffiup siunertaraa nammineq imaluunnit ingerlatseqatigiiffiit aqqutigalugit inuussutissalerinerup tungaatigut allatigullu aalisarnermik, tunisassiassanik suliarinninnermik tunisassianillu tuniniaanermik ingerlatsineq.

§ 3

- 3.1. Ingerlatseqatigiiffiup aktiatigut aningaasaatai 850.000.000 kr.-upput, taakkualu aktianut 1.000 kr.-nik nalilinnut agguarneqarput taassuminngalu amerlisarneqarlutik.
- 3.2. Aktiatigut aningaasat tamarmik akilerneqareerput.
- 3.3. Aktiat atilerneqassapput piginnittutullu allattorsimaffianut ingerlatseqatigiiffimmit najugaqarfittullu nalunaarsorneqarfiani nalunaarsorneqassallutik. Aktiat pappialaapput nalillit tunineqarsinnaangitsut, tamannalu paatsuugassaanngitsumik takujuminartumillu nalunaarneqassapput.

- 3.4. Aktiat arlaannaalluunniit immikkut ittumik pisussaaffeqartitsinngillat. Aktiaatilik kinaluunniit ingerlatseqatigiiffik allaluunniit aqutigalugu aktiaatini tamaasa ilaannaaluunniit aningaasanngortinnissaanut pisussaaffeqanngilaq.
- 3.5. Aktiat tammarsimasut pillugit inatsimmi maleruagassat qaqugukkulluunniit atuuttut naapertorlugit eqqartuussinnikut aalajangersarneqanngitsumik atuutsikkunnaarsinneqarsinnaapput.
- 3.6. Ukiemoortumik agguagarsiassat aktiaatilinnut piginnittutut allattorsimaffimi najugaattut allaqqasumut ileqqusumik ataatsimeersuartoqatsiaannartoq nassiunneqassapput.

§ 4

- 4.1. Ataatsimeersuarnerit najugaqarfigisami ingerlanneqartassapput, ingerlatseqatigiiffimili aktiaatillit tamarmik ataatsimeersuarnerit ingerlatseqatigiiffiup najugaqarfiata avataani ingerlanneqarnissaannut akuersisimappata najugaqarfiginngisami ataatsimeersuarnerit ingerlanneqarsinnaapput.
- 4.2. Ukiemoortumik nalunaarusiaq kukkunersiugaq akuerisarlu ukiemoortumik naatsorsuutit naammassineqarneranniit kingusinnerpaamik qaammatit sisamat sapaatillu-akunneri pingasut qaangiutsinnagit Erhvervsstyrelsenimut tunniunneqareertussanngorlugu ukiut tamaasa piffissaagallartillugu ileqqusumik ataatsimeersuartoqartassaaq.
- 4.3. Siulersuisunit, kukkunersiuismi imaluunniit ataatsimersuarnermi naleqqussorineqarpat immikkut ittumik ataatsimeersuartoqassaaq. Aktiaatillit aktiatigut aningaasaatit 5 %-ianik piginnittuusut aalajangersimasumik oqaluuserinittoqarnissaanik allakkatigut piumasaqarpata immikkut ittumik ataatsimeersuartoqarnissaanut sapaatit akunnerinik marlunnik sioqqutsilluni aggersaasoqassaaq.
- 4.4. Ataatsimeersuartoqassatillugu siulersuisut aktiaatilinnut piginnittutut allattorsimaffimi najukkanut allassimasunut siusinnerpaamik sapaatit-akunnerinik sisamanik kingusinnerpaamillu sapaatit akunnerinik marlunnik sioqqutsillutik allakkatigut aggersaasassapput. Aggersaaneq qarasaasiatigut allakkatigut aktiaatillit qarasaasiatigut nassitsiffissatut nalunaarutigisimasaannut pisinnaavoq. Ataatsimeersuarnermi suut oqaluuserineqarnissaat nalunaarsimassapput malittarisassanillu allannguinissamut siunnersuutit

oqaluuserisassanngortinnejassappata siunnersuutit pingaarnertut imarisai allakkatigut ataatsimiigiaqqussummi ilanngullugit allassimassapput.

- 4.5. Ataatsimeersuartoqannginnerani oqaluuserisassat aamma siunnersuutit tamarmik aktiaatilinnut misissugassanngorlugit ingerlatseqatigiiffiup allaffiani kingusinnerpaamik sapaatit-akunneri marluk sioqqutsilluni saqqummiunneqassapput. Ataatsimeersuartoqarnissaanut atatillugu ukiumoortumik nalunaarusiaq kukkunersiusunit atsiugaasoq aktiaatilinnut misissugassanngorlugu ingerlatseqatigiiffiup qullersaqarfiani saqqummiunneqassaaq ataatsimeersuartoqarnissaanullu kingusinnerpaamik ulla 30-t sioqqullugit aktiaatilitut allassimasunut tamanut nassiunneqassalluni.
- 4.6. Ataatsimiigiaqqusineq ingerlatseqatigiiffiup suliffeqarfissuullu sulisuinut nalunaarutigineqassaaq, tamatumani sulisut ingerlatseqatigiiffiit pillugit inatsit § 142, immikk. 2 naapertorlugu nalunaaruteqarsimappata.
- 4.7. Aktiaatilik kinaluunniit sammisamik aalajangersimasumik ataatsimeersuarnermi oqaluuserisassanngortitsinissaminut pisinnaatitaavoq, tamatumani sammineqarniartoq ataatsimeersuarnermi oqaluuserisassanut ilanngunneqarsinnaasunngorlugu oqaluuserisassatut piumasaqaatini pillugu siulersuisunut allakkatigut sioqqutsilluarluni saqqummiussimappagu. Piumasaqaat ataatsimeersuarnissaq kingusinnerpaamik sapaatit akunnerinik arfinilinnik sioqqutsilluni tunniunneqarsimappat aktiaatillip sammisamik ullormi oqaluuserisassanngortitsinissaq pisinnaatitaaffigaa.

§ 5

- 5.1. Ukiumoortumik nalunaarusiaq kukkunersiusunit kukkunersiugaq ileqquusumik ataatsimeersuarnermi saqqummiunneqassaaq ataatsimiinnermilu makku ingerlanneqassapput:
 - a) Ingerlatseqatigiiffiup ingerlanneqarnera pillugu nalunaaruteqarneq
 - b) Ukiumoortumik nalunaarusiamik akuerisassanngorlugu saqqummiussineq
 - c) Ukiumoortumik nalunaarusiaq akuerineqartoq naapertorlugu sinneqartoorutinik atuinissamut imaluunniit annaasaqaatnik matussusiinissamut aalajangiineq
 - d) Ajunngitsorsiaqartitsinermut politikkimik akuersineq
 - e) Siulersuisuni ilaasortassanik qinersineq, tamatumani siulersuisuni siulittaasussamik qinersineq
 - f) Siulersuisuni siulittaasup siulersuisunilu ilaasortat allat akissarsiassaasa annertussusissaannik aalajangersaaneq

g) Kukkunersiuisumik toqqaaneq

§ 6

- 6.1. Ataatsimeersuarnermi isumaqtigiinniarnerit aqutsisutut siulersuisunit toqqagaasumit aqunneqassapput, apeqqutigineqartussallu sulianik ingerlatseriaatsinut, taasinernut taasinermilu angusanut tunngasut tamaasa aqutsisumit aamma aalajangerneqartassapput.

§ 7

- 7.1. Aktiaatilik kinaluunniit aktiaatilittut nalunaarsorneqarsimasoq ataatsimeersuarnermi peqataasinnaatitaavoq.
- 7.2. Aktiaatit 1.000 kr.-nik naleqartut tamarmik taasinermik ataatsimik naleqarput.
- 7.3. Siunnersuuit oqaluuserisassanut aatsaat ilanngunneqarsimappata ataatsimeersuarnermi aalajangiiffigineqarsinnaapput.
- 7.4. Ataatsimeersuarnermi oqaluuserineqartut taasinermi amerlanerussuteqarnikkut aalajangiiffigineqartarput, tamatumani ingerlatseqatigiiffiit pillugit inatsimmi sinnisoqarnermut aamma amerlanerussuteqarnermut tunngatillugu immikkut maleruagassaqanngippat.
- 7.5. Ataatsimeersuarnermi oqaluuserineqartut ingerlatseqatigiiffiup isumaqtigiinniarneq pillugu nalunaarutaanut nalunaarsorneqassaaq, taannalu ataatsimeersuarnermi aqutsisumit atsiorneqassaaq.

§ 8

- 8.1. Ingerlatseqatigiiffimmi siulersuisuini ilaasortat ataatsimeersuarnermi qinigaasut tallimaniit arfinilinnut amerlassuseqarput.
- 8.2. Siulersuisuni ilaasortat ataatsimeersuarnermi qinigaasut ukiumik ataatsimik sivissussilimmik ilaasortaasussanngorlugit qinerneqartarput.

- 8.3. Siulersuisuni ilaasortaq piffissaq ilaasortaaffigisassani suli naanngitsoq tunuarpat tamatumalu kingunerisaanik siulersuisuni ilaasortaq nutaaq qinerneqarpat siulersuisuni ilaasortangortoq siulersuisuni ilaasortatut tunuartup piffissap ilaasortaaffigisassaraluata sinnerani ilaasortaassaaq.
- 8.4. Siulersuisuni ilaasortatut tunuarsimasut qinigaaqqissinnaapput.
- 8.5. Siulersuisuni ilaasortat ataatsimeersuarnermi qinigaasut saniatigut ingerlatseqatigiiffiup sulisui siulersuisuni ilaasortassanik qinersinissaminut pisinnaatitaapput, takuuq ingerlatseqatigiiffiit pillugit inatsimmi § 140 aamma 141..
- 8.6. Siulersuisuni ilaasortanit ukioq ataatsimik sivisussusilimmik siulittaasussamik ataatsimeersuarnermi qinersisoqartassaaq. Siulersuisuni siulittaasoq piffissaq siulittaasuuffigisassani suli naanngitsoq tunuarpat tamatumalu kingunerisaanik siulersuisuni siulittaasoq nutaaq qinerneqarpat siulersuisuni siulittaasunngortoq siulersuisuni siulittaasutut tunuartup piffissap siulittaasuuffigisassaraluata sinnerani siulittaasuussaaq. Siulersuisut akunnerminni siulittaasup tullianik qinersissapput, siulittaasullu tullia siulittaasup peqannginnerani siulersuisut suleriaasissaattut aalajangersakkami maleruagassatut aalajangersarneqartut naapertorlugit siulittaasuugallartassaaq. Ukiut tamaasa siulittaasup tullianik qinersisoqartassaaq. Siulittaasoq aamma siulittaasup tullia qinigaaqqissinnaapput.
- 8.7. Siulersuisuni ilaasortat ukiumoortumik akissarsiaqartinneqartarput, ukiumilu tulliuttumi akissarsiassaasa annertussusissaat ataatsimeersuarnermi aalajangersarneqartarput.
- 8.8. Inuit namminersortutut atorfekartutulluunniit ingerlatsinerup tungaatigut attuumassuteqarnerat pissutigalugu ingerlatseqatigiiffimmut akerliusumik imaluunniit ingerlatseqatigiiffiup akiligaanik siulersuisuni ilaasortaanertik pissutigalugu nammineq iluaqtigisaminnik aningaasatigut iluanaaruteqarsinnaasorineqarpata siulersuisuni ilaasortassatut qinerneqaqqusaannngillat.
- 8.9. Siulersuisuni ilaasortat tamarmik inuussutissarsiornikkut suliffeqarfinni allani aqtsinikkut atuuffitik pillugit ataatsimeersuartoqarnerani qinersinissaq sioqqullugu ilisimatitsissuteqassapput, tamatumani immikkoortortatut ingerlatseqatigiiffiit 100 %-imik piginneqataaffigineqartut pineqanngillat.

§ 9

- 9.1. Siulersuisut oqaluuserisaat taasinermi ataasiinnarmilluunniit amerlanerussuteqarnikkut aalajangiiffigineqartassapput. Amerlaqatigiinnik taasisoqarsimappat siulittaasup taasinera aalajangiisuussaaq. Tamatuma saniatigut siulersuisut suleriaasissaattut

aalajangersakkami maleruagassat aalajangersakkat naapertorlugit sulianik ingerlatseriaasissartik aalajangissavaat.

- 9.2. Ataatsimeersuarnermi oqaluuserineqartut ingerlatseqatigiiffiup isumaqatigiinniarneq pillugu nalunaarutaanut nalunaarsorneqassapput, taannalu siulersuisuni ilaasortanit tamanit atsiorneqassaaq.
- 9.3. Siulersuisuni ilaasortat siulersuisuni ilaasortaanermanni ilisimalikkatik suugaluartulluunniit pillugit nipangiussisussaataitapput, tamatumanili pissutsit tamanut saqqummiunneqarsinnaasutut siulersuisunit aalajangerneqartut imaluunniit inatsisit malillugit tamanut saqqummiunneqarsinnaasutut nalilerneqartut pineqanngillat.
- 9.4. Siulersuisut pisortaqtigiinnik ataatsimiit tallimanik amerlassusilinnik atorfinitssitsissapput.

§ 10

- 10.1. Siulersuisuni siulittaasup siulersuisuni ilaasortaq alla peqatigalugu, imaluunniit siulersuisuni siulittaasup pisortaq peqatigalugu, imaluunniit siulersuisuni siulittaasup tulliata pisortaq peqatigalugu ingerlatseqatigiiffik sinnerlugu atsiorsinnaatitaassaaq.

§ 11

- 11.1 Kukkunersiuineq kukkunersiusumit naalagaaffimmit akuerisaasumit ataatsimit imaluunniit marlunnit ingerlanneqartassaaq.
- 11.2 Tulliani ileqqusumik ataatsimeersuarnerup naanissaata tungaanut atuuttussamik ataatsimeersuarnermi kukkunersiuismik/nik toqqaasoqassaaq.
- 11.3 Kukkunersiusut ingerlatseqatigiiffimmi ileqqusumik ataatsimeersuartoqannginnerani aktiaatillit piumasaat naapertorlugu aktiaatillit kukkunersiusullu ukiumoortumik ataatsimiinneranni peqataasassapput. Ataatsimiinnermi kukkunersiusup/nipangiussisimasussaataitanera/ataqqillugu/it ingerlatseqatigiiffiup ukiumoortumik nalunaarusiaa eqqartorneqartassaaq, tamatumani aktiaatillit paasisatik malillugit ataatsimeersuarnermi aalajangiisinjaassammata.

§ 12

12.1. Ingerlatseqatigiiffiup ukiumoortumik naatsorsutai januaarip aallaqqaataaniit decembarip 31-anut atuuffeqartarpuit, atuuffeqarnerat allanngortinneqarpoq 2015-imi oktoberip aallaqqaataaniit 2016-imi decembarip 31-anut atuuffeqareernerisa kingorna.

Taamalu kingullermik 2019-imi aprilip 30-ani ileqquusumik ataatsimeersuarnermi §§ 3.3, 3.6, 4.3, 4.4, 4.5, 4.6, 4.7, 7.4, 7.5 aamma 8.5 allanngortinneqarlutillu akuerineqarput.

Aqutsisoq:

Peter Schriver, advokat.